

# LEPITAN



Lepitan 1. Kode data ring nureksain paribasa miwah nilai politik ring pupulan cerpen.

<b>Murda Cerpen</b>	<b>Kode Data</b>
Delem	I/DLM
Buludawa	II/BLDW
I Pung Li	III/IPL
Maling	IV/MLG
Tuan Dewan	V/TDN
Pak Kadis Kudis	VI/PKK
Mister TOP	VII/MTOP



## Lepitan 2. Data Paribasa Bali

Kode	: I/DLM, 1-1
Murda Cerpen	: Delem
Paribasa	: Sesimbing
Cutetan	: "Suba katingalin. Gondong Deleme suba ngenah, sayan gede sayan bek misi. Sinah liu maan mamaan?"

Kode	: I/DLM, 2-2
Murda Cerpen	: Delem
Paribasa	: Sesimbing
Cutetan	: "Cai awak berag cara cacingan dogen. Ping kuda cai madaar? Kuang gisi cai ento."

Kode	: I/DLM, 2-3
Murda Cerpen	: Delem
Paribasa	: Sesimbing
Cutetan	: "Cai mula demen ngidih-ngidih. Kone ngilangang anak ngidih-ngidih dadi cai ngidih-ngidih? Eda pelihanga anake ngidih-ngidih. Cai ane tamatan tegeh masi ngidih-ngidih."

Kode	: I/DLM, 3-4
Murda Cerpen	: Delem
Paribasa	: Sesenggakan
Cutetan	: Buka anake manuakin, iris danggul, sinah ngetel tuak jaka.

Kode	: I/DLM, 5-5
Murda Cerpen	: Delem
Paribasa	: Sesenggakan

Cutetan : Made Arsa Wijaya ngamelmel padidina buka bebotoh kilangan dompet.

Kode : I/DLM, 5-6  
Murda Cerpen : Delem  
Paribasa : Sesonggan  
Cutetan : Sina Bli Santika maan tongos sing cara pancoran matatakan batu. Kritis-kritisane ada bakat.

Kode : I/DLM, 5-7  
Murda Cerpen : Delem  
Paribasa : Sesenggakan  
Cutetan : Ngindegamayang awakne buka katak. Menek nyekjek timpal ane di beten.

Kode : I/DLM, 5-8  
Murda Cerpen : Delem  
Paribasa : Sesonggan  
Cutetan : Sajan pejabat makarbit. Jeg magradugan pesu munyine.

Kode : I/DLM, 6-9  
Murda Cerpen : Delem  
Paribasa : Sesenggakan  
Cutetan : Adinne ngrengkeng padidiana buka jangkrik kririk mamunyi di song temboke.

Kode : II/BLDW, 14-10  
Murda Cerpen : Buludawa  
Paribasa : Sesimbing  
Cutetan : Mirib nyuti rupa dadi bererong ane naar sangkananga tusing ngenah.

---

Kode	: II/BLDW, 15-11
Murda Cerpen	: Buludawa
Paribasa	: Sesimbing
Cutetan	: "Eda madarma wacana jani. Cang suba med ningehang anak nutur sakewala tusing dadi anggon apun."

Kode	: II/BLDW, 15-12
Murda Cerpen	: Buludawa
Paribasa	: Sesenggakan
Cutetan	: Patuh teken nuturin anak mamunyah baan tutur agama. Tusing ada gunane.

Kode	: II/BLDW, 17-13
Murda Cerpen	: Buludawa
Paribasa	: Sesonggan
Cutetan	: Buka ngantiang ujan kapat

Kode	: III/IPL, 18-14
Murda Cerpen	: I Pung Li
Paribasa	: Sesenggakan
Cutetan	: Buina ia leket gati matimpal. Kija-kija ajak dadua. Tusing dadi palasang. Buina I Pung ganteng, Liliana jegeg nyelolet. Ada nyambatang buka Arjuna ajak Supraba. Ada nyambatang buka Rama ajak Sinta.

Kode	: III/IPL, 19-15
Murda Cerpen	: I Pung Li
Paribasa	: Sesimbing
Cutetan	: "Mula keto, anak tua ipidan. Ngorahin apang seleg malajah. Mara nagih masuk tegehan tusing baangina. Siapne ane serawah jambul bani beaina."

---

Kode	: III/IPL, 21-16
Murda Cerpen	: I Pung Li
Paribasa	: Sesenggakan
Cutetan	: Tiang ngantiang buka ngantre di rumah sakit

Kode	: III/IPL, 22-17
Murda Cerpen	: I Pung Li
Paribasa	: Sesenggakan
Cutetan	: Sabilang dina tiang ngantiang, kanti buka ngantiang damuh kapat

Kode	: III/IPL, 22-18
Murda Cerpen	: I Pung Li
Paribasa	: Sesenggakan
Cutetan	: Tepukin I Pung Li mabrigu buka bojog kena latih

Kode	: IV/MLG, 31-19
Murda Cerpen	: Maling
Paribasa	: Sesimbing
Cutetan	: Sajan jelema belog dadi pejabat. Ngitung proyek tusing bisa. Kalahang timpal. Sajan jelema tusing taen malajah dadi maling. yen tawang, ia meled dadi maling, lakar ajahin. Enggalan majuk. Yen nyak mauleh-ulehan ajak tiang tusing katangkep ngaba pipis akresek selem. Sajan jelema belog ongol.

Kode	: IV/MLG, 32-20
Murda Cerpen	: Maling
Paribasa	: Sesimbing
Cutetan	: "Suba tawang. Suba lancar dadi maling?"

---

Kode	: IV/MLG, 32-21
Murda Cerpen	: Maling
Paribasa	: Sesimbing
Cutetan	: "Jani, sinah liu maan bati ulian maling."

Kode	: IV/MLG, 32-22
Murda Cerpen	: Maling
Paribasa	: Sesenggakan
Cutetan	: "Tumben tepuk. Yen sesai tepuk kanggoang angin dogen. Cara dagang kembungan."

Kode	: IV/MLG, 32-23
Murda Cerpen	: Maling
Paribasa	: Sesimbing
Cutetan	: "Diastun mamaling tusing kenapa. Masi suba macelep di kantongge."

Kode	: V/TDN, 46-24
Murda Cerpen	: Tuan Dewan
Paribasa	: Sesimbing
Cutetan	: "Eda nenga-nenga ngetohin awak. Eda buka I Gede Ambara. Metoh tusing lagas. Payu bunting lakar ngalih untung."

Kode	: V/TDN, 48-25
Murda Cerpen	: Tuan Dewan
Paribasa	: Sesimbing
Cutetan	: "Badah. Ngalih bati dogen."

Kode	: V/TDN, 48-26
Murda Cerpen	: Tuan Dewan
Paribasa	: Sesimbing

Cutetan : "Manian ane kene-kene sudi mara antes dadi pak dewan. Eda nyudi ane demit-demit. Ingetanga nagih suara dogen. Ane bares buka kene tekaang mai."

Kode : V/TDN, 49-27  
Murda Cerpen : Tuan Dewan  
Paribasa : Sesimbing  
Cutetan : "Jeg menang! Lamun kuangan pipis sambat dogen. Di bang liu enu pipise. Gorohin dogen apang kanti punyah baan pipis. Bes sesai maan pipis. Sinah lakar nyudi. Nyen kodag sesai ada ngenjuhin pipis. Tusing nyudi."

Kode : V/TDN, 49-28  
Murda Cerpen : Tuan Dewan  
Paribasa : Sesimbing  
Cutetan : "Mutang sakewala misi pikolih. Hahahahaha!"

Kode : VI/PKK, 52-29  
Murda Cerpen : Pak Kadis Kudis  
Paribasa : Sesenggakan  
Cutetan : Bapa Gede kecas-kecos cara bojog makpak lunak

Kode : VI/PKK, 52-30  
Murda Cerpen : Pak Kadis Kudis  
Paribasa : Sesimbing  
Cutetan : "Eda keto. Manian bisa dogen masalin kenehe."

Kode : VI/PKK, 53-31  
Murda Cerpen : Pak Kadis Kudis  
Paribasa : Sesimbing  
Cutetan : "Mani di subane negakin kursi eda pesan suud



ngadaang pesta buka kene. Yen ane pipis lebih utawi pipis ongkeb nagih apang tis. Jeg mai aba. Anggon matuakan."

Kode : VI/PKK, 54-32  
Murda Cerpen : Pak Kadis Kudis  
Paribasa : Sesimbing  
Cutetan : "Sajan isin gumi. Suba luung masomah nagih palas. Tekaang dogen Pak Kadis."

Kode : VI/PKK, 55-33  
Murda Cerpen : Pak Kadis Kudis  
Paribasa : Sesimbing  
Cutetan : "Kanggoang malu. Mani dong ada buin. Yen sebilang ada proyek sepuluh persen. Adasa maan proyek suba satus persen. Bisa patuh ajak tunjanganne."

Kode : VI/PKK, 56-34  
Murda Cerpen : Pak Kadis Kudis  
Paribasa : Sesimbing  
Cutetan : "Niki wau kadis jati-jati wikan."

Kode : VI/PKK, 56-35  
Murda Cerpen : Pak Kadis Kudis  
Paribasa : Sesimbing  
Cutetan : "Sajan anak cerik belog. Iraga apa tuutin. Liunan maen ajanian tusing taen OTT. Dasa tali masi OTT. Peh. Belog sajan. Idewek gedenan tusing nawang goban OTT."

Kode : VI/PKK, 58-36  
Murda Cerpen : Pak Kadis Kudis

Paribasa	: Sesimbing
Cutetan	: "Sajan jelema belog. Ento sangetang. Pipisne suba telah anggon meliang-liang. Ene ada buin abedik lakar aba ka kape. Sing tawanga uluk-uluk."

Kode	: VII/MTOP, 65-37
Murda Cerpen	: Mister TOP
Paribasa	: Sesenggakan
Cutetan	: Ia pragat cara sampik kelangan Intai. Ngengkik di kamar ngurik isin langit-langit umahne, ngranggang-ngrenggeng cara anak ipit.

Kode	: VII/MTOP, 65-38
Murda Cerpen	: Mister TOP
Paribasa	: Sesenggakan
Cutetan	: Sabilang anak pelih tusing mapilih tongos jeg galak cara macan

Kode	: VII/MTOP, 65-39
Murda Cerpen	: Mister TOP
Paribasa	: Sesimbing
Cutetan	: "Sangkananga yen enu seger ngisi gumi eda ngendah. Eda lebih ajum. Eda nyapa kadi aku. Jani rasain. Tua ruyud misi cekoh-cekoh. Asmane pepes kumat. Angkianne menek tuun care topeng tua sengal-sengal."

Kode	: VII/MTOP, 65-40
Murda Cerpen	: Mister TOP
Paribasa	: Sesenggakan
Cutetan	: Angkianne menek tuun care topeng tua sengal-sengal.

---

Kode	: VII/MTOP, 66-41
Murda Cerpen	: Mister TOP
Paribasa	: Sesenggakan
Cutetan	: Buka satua I macan nakutin gobanne padidi

Kode	: VII/MTOP, 68-42
Murda Cerpen	: Mister TOP
Paribasa	: Sesimbing
Cutetan	: "Ajanian aketo malu. Liunan janji bisa berek dijanji."

Kode	: VII/MTOP, 68-43
Murda Cerpen	: Mister TOP
Paribasa	: Sesonggan
Cutetan	: ...Sebengne magetih. Ngembo ipun nutur kadi anak punyah.

Kode	: VII/MTOP, 69-44
Murda Cerpen	: Mister TOP
Paribasa	: Sesimbing
Cutetan	: "Sajan mula pailehan idup. Suud gelem seger. Suud dibeten buin diduur. Ne mirib ane madan pinceran gumi. Jani kengken dayane apang maan mincerang isin basang timpal? Janjiang dogen maan pipis. Sinah enggal makumpul. Pipis ento pikat jaman buka jani. Sing ngelah pis tusing ade anak ngugu. Lamén ape duege."

### Lepitan 3. Data Nilai Politik

Kode	: I/DLM, 3-1
Murda Satua Bawa	: Delem
Nilai Politik	: <i>Konservatif Etis</i>
Cutetan	: Di kénkéné Gedé Santika Gondong Délem orahina ngajak ané lakar ngalih tegakan buin. Gedé Santika Gondong Délemn suba nawang. Artiné ento ngorahin apang tetep nyiapang pipis. Tusing ada jabatan gratis. "Anak ngentut dogén bisa kena danda. kalingké jabatan," kéto taén dingeh ia ngrieng.

Kode	: II/BLDW, 16-2
Murda Cerpen	: Buludawa
Nilai Politi	: Konservatif Etis
Cutetan	: "Malah pesan, Bapa nuturin buka keto. Buin jebosné lalu ada polisi uli dija kadén ngepung kalangan gocékané. I Blégodawa malaib pati selangkeb. Ulian ento juga ia misunaang Bapa. Bapa orahanga nglapuru. Bapa orahanga makanti ajak polisi. Bapa orahanga nyambatang ia bisa nyetik . Bisa ngiwa. Buina nyak ané lén-lénan énggal ngugu. Jani, kéné suba dadiné. Umah benyah. Mara té nyidaang ngaé rompok uli pidané ngapti apang nyidaang ngaé tongos mémbon."

Kode	: III/IPL, 18-3
Murda Cerpen	: I Pung Li
Nilai Politik	: <i>Konservatif Etis</i>
Cutetan	: "Milehan maan magae. Saget di pelabuhan, saget di bea cukai, sagét di pajak, sagét di samsat. Indeng- indeng icang. Dija ja keneh icangé. Jeg aluh baan icang nyelepin."

---

Kode	: III/IPL, 19-4
Murda Cerpen	: I Pung Li
Nilai Politik	: <i>Konservatif Etis</i>
Cutetan	: "Suba dadiang somah. Ia ngendah maan gae. Patuh buka icang. Milihin gae. Dija ja keneh Liliana magae jag maan. Kaden cai ane maangin nurun dugase pidan?"

Kode	: IV/MLG, 30-5
Murda Cerpen	: Maling
Nilai Politik	: <i>Konservatif Etis</i>
Cutetan	: Tiang mautsaha apang tusing katangkep. Yen katangkep KPK, sinah lakar mabui. Lek atiné. Tiang mula bisa nyuti rupa. Masebeng alep tiang, cara anak malajah ngelus atma. Banban alep pajalan tiangé. Makejang ngajumang, tiang antes dadi pejabat.

Kode	: IV/MLG, 32-6
Murda Cerpen	: Maling
Nilai Politik	: <i>Konservatif Etis</i>
Cutetan	: "Jani, sinah liu maan bati ulian maling." "Eda anaké kèto. Eda sambat-sambatanga." Enjuhin tiang limang atus apang ada anggota palegan keneh.

Kode	: V/TDN, 51-7
Murda Cerpen	: Tuan Dewan
Nilai Politik	: <i>Konservatif Etis</i>
Cutetan	: Jeg aluh baana Pak Dé ngitungang mantas matakon akéto dogén suba maan bati. Amploné mapunduh di lemariné. Matumpuk-tumpuk, kanti tusing kingetan adanné.

---

Kode	: V/TDN, 51-8
Murda Cerpen	: Tuan Dewan
Nilai Politik	: <i>Konservatif Etis</i>
Cutetan	: Tiang dong babelogan makeneh. Mirib ngelah sesabukan, anak pepes ka Jawa. Kudang balian uli Jawa teka ka umahné. Masuter baan mantra.

Kode	: V/TDN, 51-9
Murda Cerpen	: Tuan Dewan
Nilai Politik	: <i>Konservatif Esoteris</i>
Cutetan	: Kéwala ada ané tusing dadi tunaina tekén Pak Dé. Apa ento? Ngalih anak luh jegég ajak ngisep apa kadén. Kéwala suud kena ento, ia bisa kedek kendel gati. Yén ngomong tusing taén takut.

Kode	: V/TDN, 51-10
Murda Cerpen	: Tuan Dewan
Nilai Politik	: <i>Konservatif Esoteris</i>
Cutetan	: Dugasé ené iseng tiang ngebitang amplopné. Dadi tepukin tiang serbuk. Iseng tiang ngadekin. Mara lakar jemak tiang sagét macelep Pak Dé. "Eda uyut. Yén kanti Pak Dé matangkep. Made bisa adan dogén di guminé." Tiang nelektekang muanné Pak Dé tusing buka ané suba-suba.

Kode	: VI/PKK, 58-11
Murda Cerpen	: Pak Kadis Kudis
Nilai Politik	: <i>Konservatif Etis</i>
Cutetan	: "Sajan jelema belog. Ento sangetang. Pipisné suba telah anggon meliang-liang. Ené ada buin abedik lakar aba ka kapé. Sing tawanga uluk-uluk."

---

Kode	: VII/MTOP, 67-12
Murda Cerpen	: Mister TOP
Nilai Politik	: <i>Progresif Etis</i>
Cutetan	: "Pipisé ané jemak ipidan apang uliang. Yén sing kéto, lakar tetep gelem buina tetep tusing ngelah pipis."

Kode	: VII/MTOP, 69-13
Murda Cerpen	: Mister TOP
Nilai Politik	: <i>Progresif Etis</i>
Cutetan	: Bes kaliunan janjiné kanti sapin tekén janjiné. Taén ada anak yang ngaba catetan indik semayané. Aluh pesan baana nyautin. "Tiang jani suba pikun. Engsap tekén semaya. Somah tiangé dogén bisa engsapang tiang. Sakéwala somah timpal?"



## DÉLEM


**G**edé Délem adanina tekén kramané krana misi gondong abedik. Suba kudang garam yodium telahanga tekén Gedé Délem masi tusing nyak ilang. Koné maan ia ngrencanaang lakar ngoprasi gondongné sakéwala tusing bani. Ulian gondong ento, ia dadi liu maan adan, maan tongos. Jatiné adan sekené dong I Gedé Santika. Anaké masi ngimbuhin adanné dadiné I Gedé Santika Délem Gondong. Adinné ané pepes kaulina Sangut sujatiné madan Madé Arsa Wijaya. Apang masaih ajak rajan Majapahité semalu, Radén Wijaya apang dadi koné Arsa Wijaya. Péh Cara topéng Arsa Wijaya dogén. Bapanné meled apang sentanané arsa santi wijaya di umahné. Lantas adanina buka kéto.

Di kénké né nyak cara Délem Sangut satwan iané. Kéné biasané.

“Ngut! Ngut! Ngut! Tingalin icang Ngut!”

“Suba katangalin. Gondong Délemé suba ngenah, sayan gedé sayan bek misi. Sinah liu maan mamaan?”

“Hahahaha. Tawanga dogén. Sing pelih munyin cainé Ngut. Gondong icangé mula maguna. Kéné ageté né ngelah gondong gedé. Nyidayang misi sabliang



ané tagih icang. Cai awak berag cara cacinngan dogén. Ping kuda cai madaar? Kuang gisi cai ento.”

“Depang suba icang. Yadiastun cacinngan. icang tusing taén ngrépotang cai.”

“Beh, misi nyindir. Ngut tawang jani icang suba dadi pejabat.”

“Suba tawang. Cai mula demen ngidih-ngidih. Koné nglanngan anak ngidih-ngidih dadi cai ngidih-ngidih? Eda pelhanga anaké ngidih-ngidih. Cai ané tamatan tegeh masi ngidih-ngidih. Apa lantas binané?”


“Ada binané. Yén icang tusing tangkepa tekén satpol PP-né. Yén ané ngidih-ngidih ento paslangkeb nyelametak awakné.”

“Nanging isinné patuh. Ngalih isin basang apang dadi ‘tajir’.”

“Hahahaha ngelah dogén cai. Tusing pelih. Mula dueg cai. Tusing pracuma manyama ajak bli.”

Gedé Délem mula bisa manyama ajak adinné. Kija ja blinné barengina tekén adinné. Sakéwala, adinné tusing nyak ngidih-ngidih tekén anaké gedé. Ngujyang ngidih-ngidih lek atiné suba maan gegeaén lantias ngidih-ngidih. Maman mara suud ané idihin ngisiyang gumi sapisin suba. Matolihan tusing taén. Méh kanti mati tusing ada ngrunguang.

Madé Arsa Wijaya tusing taén nyangetang apa ja orahanga tekén bliné. Suba tawanga di gondongné ento anak liu pesan sesepelan munyiné. Sakancan munyi ané tawah-tawah mentik ditu. Apa buin lakar ada pilkada ia suba dadi tukang munyi. Anak taén ipidan dugas pecikina tekén dokteré mamunyi gondongné. Kéné munyin gondongné.





"Yén meled ngalih tegakan pipisé masi apang gedé. Tegakan gedé, pipis gedé. Ené peckin."

"Kuring," kénomuniné. Cara masanéédénganna di tipi-tipiné. Dokteré demen masi nuréksain krana tamben nepukin gondong soléh. Buih peckina ané sampingane.

"Brang! Brang! Brang!" kété negas pesan. Yén alihang masaih ajak barang ajak bang, bang. Simah nomor rekening suba taghita.

"Sajan gondong soléh." Dokteré ngrimik. "Yén makejang gondongé misi munyi buka kéné sing sayan liu anaké demen gondong. Tabunganné abana indeng-indeng. Ah, ngujang ento runguang. Ané melah tugas iragané malu jalayang. Koné yén sing inget tekén tugas padidi lantias nyalanang tugas len tusing melah, niar sesana koné ento, kété anaké dueg nyambatang di tipi-tipiné."

Gedé Santika sayan melah dogén pajalan idupné. Kija-kija ada ané nyapa. Nuju Redité ia jalan-jalan ajak bapak-bapaké. Tusing car *free day* dogén. Bisa ka taman indah, bisa ka Bedugul, bisa ka Kuta. Ditu suba ngindikang isin gumi. Koné yén sida matemu ajak pejabaté lakar makang dogén nongos ané lakar apti. Di kenékéné Gedé Santika Gondong Délem orahina ngejaj ané lakar ngalih tegakan buin. Gedé Santika Gondong Délem suba nawang. Artiné ento ngorahin apang tetep nyatapang pipis. Tusing ada jabatan gratis. "Anak ngentut dogén bisa kena danda. Kalingké jabatan," kété taén dingeh ia ngrieng.

Saget Madé Arsa Wijaya Sangut matembang kéné: *mai malu, diya ada gondong udu, bikasé melahang, buka-anaké manukih, iris danggul, sinah ngélé tuak*



*jaka.*

"Eda jali, Madé Arsa Wijaya." Blinné tumben ngaukin seken adané. "Mara icang belng buin gondong cai ngéndah mamunyi. Keden suba liu anak masi ulian munyi. Ento menistakan gondong icangé adana. Eda ngae-ngae dogén. Masi tusing cai ngala gondong. Anak icang ngaba ngujang cai inguh buin *repot*."

"Miiiiiiiiih. Memedih Blin icangé. Mara ibi maan darma wacana. Tusing dadi gedeg. Santi tetepang kenéhé apang santika, santiné sai teka. Tusing nyeleka."

"Buih cai ngéndah. Lakar lapurang kaka nah. Ené suba pencemaran nama baik adana. Ngéndah dogén cai. Baang di tundan nagih ka baong. Baang di baong nagih sirah bejel cai."

"Sing kété Bli Bagus Santika. Gendingan cang ento angon nglimurang kenéh dogén. Kéné guminé mrasa kebus. Yadiaastun ujan sasih kalimane nekain. Enu masi panes rasané. Mirib ujan salah masa ené. Sangkananga kebus tusing karoan apa. Guminé kebus, maciri masi ané nongosin masi kebus. Ento tingalin Bli suba antianga koné lakar maguneman."

"Aa, saja, pesan. Yén sing cai ngingetang sinah kaka suba engsap. Suksma Ngut, Arsa Wijaya."

"Sajan jelema tusing nawang apa. Aget nyak ia ulehang kenéhé, yén sing kété dong suba ajak nyama matungkas. Paturu idup di guminé lantias matungkas. Nungkasang tembang misi gondong. Idéwék masi pelih malah irukin isin basang iané antes gedeg. Apa b...in mula énggal gedeg. Yén saja buka munyiné ngilapurang, dong suba té nyama ngukum nyama. Miiiiiiiiih! Jengah pesan dadiné. Di mariné nyen



orahin ngrunguang. Tuah ja bangké tusing milih in sema. Suba bangké." Madé Arsa Wijaya ngamémél patidiana buka bebotoh kilangan dompét. "Sajan ulian bungut bisa peh. Kéwéh masi ngaba cadik. Yén pejang, pican Sanghyang Widhi. Yén anggon bisa mahu. Ngujang ento sangetang, ané melah, sina Bli Santika maan tongos sing cara pancoran matatakan batu. Kritis-kritisane ada bakat."

Sabilang anak gedé paakina baan Gedé Santika Délem Gondong. Sabilang anak sugih ajaka matimpal. Matolihan ka betén kapah pesan. Lakar ngujiang ngrunguang anak suba di betén. Ia ngindagamayang awakné buka katak. Menék nyekyek timpal ané di betén. Apa ja orahanga sing karungu. Kuping dadi sengsengin. Pinih makelo raméné tuah akambuhan suud kéto ilang ampelang angin.

Kiya-kiya makejang nganggutin. Machina ia anak suba gedé. Yén sing gedé, dija ada anak nganggutin. Peteng lemah pragat iju dogén maakin pajabat. Anak bisa kanti ngepél di umah pajabate misi ngébatang pada. Gigit lungné I Gedé Santika Délem Gondong. Somahné masi marengin. Koné, *suami maju berkat istri yang jago*. Apa saja apa tusing? Ané seken. Jani, I Gedé Santika Délem Gondong suba dadi pejabat ané andel.

Goar-goar suba ia mapidarta. "Kerja yang semangal. Semangat kerja. Sebelum dikerjakan. Kerjain dulu. Dulu kerjakan. Kerjakan dengan kerja." Adinné ingkel-ingkel ningeh pidartané I Gedé Santika Délem Gondong. "Apa orahanga teken blin déwéké. Sajan pejabat makarbit. Jeg magradungan pesu munyiné. Sinah suba di poloné masi magradungan. Samben



5



6

dieng. Pelajahang abedik. Lek atiné tusing karoan apa."

"Sakéwala makejang ngoplokin pidartané I Gedé Santika Délem Gondong. Koné melah pesan. Tatuwekné iju ganti. Ento suba guminé jani ané tusing anut bunuhan melah. Sajan llehan gumi. "Adinné nrengkeng patidiana buka jangkrik kririk mamunyi di song témboké."

Adané pejabat mara malajah, makejang nemenin. Dugasé ene, I Gedé Santika Délem Gondong sagét mapendak baan gong baleganjur di sampingné ada anak majengin. Lebihan teken betara lakar melasti. Tiang makesiab mabalih. Saja apa tusing ento I Gedé Santika Délem Gondong. Mirib ngelah ilmu maya-maya nyuti rupa I Gedé Santika Délem Gondong. Sayan paek sayan ngliunang dogén gobané buka I Gedé Santika Délem Gondong. Tiang malaib. Takut lahlalin gondong. ❖❖❖



## Buludawa

**B**uludawal Buludawal! Pesuang awaké! Yén saja cai wanén, jani édéngang! Cai mula ngéndah ngaba munyi! Cai tusing bisa ngaba cadik!”

Bapa Blégodawa jerit-jerit. Ia ngajak masi anak ané soléh-soléh sebhengné. Mëndahan. Ada tua, ada bajang. Ada cenik ada kelih. Mapunduh di malun umahné Bapa Buludawa. Bapa Buludawa sambatanga ngéndah ngaba munyi. Di désa. Bapa Blégodawa sambatanga bisa nyetik. Sambatanga bisa mencanén. Santer ortané kanti bek di désa misi orta. Mabyangyungan tusing karoan apa.

Sedeng melaha Bapa Buludawa mara pesan kajudi dadi manggala, dadi prabekel. Ia mausaha apanng luungan désané buin abedik. Ipidanné, misé bek gati. Gaénanga tongos mis. Gaénanga telajakan. Sabiliang Redité ajakna krama mabersih-bersih. Gaénanga tongos désané apanng sayan ngenah. Ipidanné désanne bek misi mis. Tukad, got pragat mampet yén suba masan ujan teka, paling ngalih tongos ané tegehnan. Tusing karoan ulu tebén.

Kramane ané marengin Bapa Blégodawa sayan ngliunang. Sayan mageneapan gobané. Ada rakrik, ada klawu, ada selem, ada putih. Makejang nyak ngenambo manunyi ngaukin Bapa Buludawa apanng ngédéngang gobané.

“Melahang ngaba cadik, Buludawal! Ngéndah-ngéndah dogén! Urip cairné jani kabancut. Suba kalihang tukang rancab. Suba kalihang tukang santet apanng mati di petongosan cai jani.”

Mabyangyungan di désa, munyi-munyi ané tuara kakeneh bareng pesu. Matané makejang barak mirib suba kena arak brendi. Engkahné nglenggeh. Kanti sanja tusing masi pesu Bapa Buludawa. Ada ngorahang ia magedi. Ada ngorahang ada ané nyagain. Ada ngorahang ada ané malabang. Ané seken Bapa Buludawa tusing ada di arep anaké ané jerit-jerit totonan.

Mobilé madérék. Bélné selegenti makempréng. Supir ané ngaba toris ngrieng. Tamuné gedeg. Kayang sopir tambahan makejang marén. Tusing nyidayang ngliwat. Ané pedalem Mémé Suri dagangané laku kéwala tusing maan pipis. Sumping tabu, pisang rainé makejang telah lisig kéwala pipisné kija kadén. Mirib nyuti rupa dadi berérong ané naar sangkananga tusing ngenah.

“Minih, déwa ratu nguyang kakéné tiang jani? Dagangan telah, pipis tusing maan.” Mémé Suri ngatébtab. “Ratu Bhathara swécanin titiang mangda polih pangupajawa. Batin titiangé sampun ambila. Rejekin ipuné mangda mawali sareng titiang.”

Anaké ané madingehang ada ané medalem. Ada ané kenjem-kenjem ningehang munyiné Mémé Surr.

“Depang dogén Mé. Suba daara. Yasaang, Mémé mayadnya tekén anak seduk.”

“Dong suba ja. Bes kalawat pesan.”

Iseng tiang matakon, “Tusing dadi adéngang abedik mamunyi? Mirib munyiné ento tusing nyakitin kuping timpal?”

“Eda madarma wacana jani. Cang suba med ninghang anak nutur sakéwala tusing dadi anggon apun.”

Tiang mablekis. “Dija unduk tutur anggon apun. Yén lengis anget-anget mara dadi anggon apun.”

“Kénkén sujatiné?”

Mara kéto ia mamunyi tiang ngénggalang malatih. Jejuh nyanan kena tampligan. Kenehé luung, yén tongos ngorahin tusing anut bisa dadi peilih. Patuh tekén nuturin anak mamunyah baan tutur agama. Tusing ada gunané.

Petengé nika iju polisiné teka kanti tambis lebian tekén sandikala. Mirib kalané suba nyelepin, makejang ngamuk. Makejang mesuang batu ané suba sayagaanga uli umahné. Umahné Bapa Buludawa ebek misi batu. Yén batu gedé-gedé gris demené, dadi anggon dasar umah. Ené batu amun kepele. Sinah tuah genténg lan sirah lakar dadi sasaran.

Ping kuda-kuda suba orahina masi enu. Gedeg mirib polisiné. Prajani galak mesuang tembakan. Mara mragiding mlaih cara Mélem mlalibin Bima. Tiang ingkel-ingkel dugasé nika. Bee tusing seken lawang kénkén munyiné Bapa Buludawa masi bareng goar-goar. Tuah seja bibih gelah padidi, melahang apa abedik. Gumi suba buin turuhin baan ané tuara-tuara sing sayan panas dadiné. Cara tusing ada

gaé dogén. Tingalin pisagané ada galak buka kéto? Ingetanga ngalih gaé ajak ngitungang kénkén apang idupné sayan ngamelahang.

Buin maniné, tiang iseng ngliwat di malun umahné Bapa Buludawa, tepukin ragané nuduk batu, sambilanga nyampatang mis ané paseléngkat, ngamelahang puyan-puyan kayuné ané lingsem.

“Pa. Dadi tiang nulungin?” kéto tiang matakon.

“Wayan Putra ené?”

“Benéh pesan, Pa. Tiang kapah maan mulih, sagét tepukin tiang suba ada anak makumpul misi jeri-jeri cara karangsukan kala.”

“Suba tawang Wayan. Bapa malah pesan nuturin I Blégodawa. Ia galak prajani. Kéné tutur Bapané.”

“Dé marén ja ngadaang gocékan. Lek gariné désané iju nekain baan gocékan. Kanti makapeteng gocékané. Yén ento lantasi tulada tekén cerik-cerike kénkén lantasi iraga dadi anak tua.”

“Eda lunan tutur. Cai mapilih dadi prabekel masi ulian timpal-timpal icangé di gocékan. Jani mara dadi prabekel, misi nuturin. Eda lebian ngaba tutur. Masi icang tusing dadi pamangku. Len cai dadi prabekel dadi pamangku, nyak anut pajalané nuturin timpal.”

“Malah pesan, Bapa nuturin buka kéto. Buin jebosné lantasi ada polisi uli dija kaden ngepung kalangan gocékané. I Blégodawa malatih pati selangkeb. Ulian ento lantasi misunaang Bapa. Bapa orahanga nglapurang. Bapa orahanga makanti ajak polisi. Bapa orahanga nyambatayang ia bisa nyetik. Bisa ngiwa. Buina nyak ané len-jenan énggal ngugu. Jani, kéné suba dadiné. Umah benyah. Mara té nyidaang ngae rompok uli pidané ngapti apang nyidaang ngae



tongos mémbon.”

“Ooo, kété jatiné? Kadén tiang saja buka ortané ané santer. Sajaj munyi bisa lebian dadiné, yén pipis bisa medikang dadiné.”

Bapa Buludawa kedék, mara tiang mamunyi buka kété. “Man kénken lantias, Pa?”

“Di Rediténé ené lakar ada paruman di désa. Kalané ento ané sujati lakar orahang bapa apang seken-seken nawang masi kramané.”

“Tiang lakar mulih kayang parumané Pa. Sina manian indiké ené lakar dadi anggon paplajahan kalané ada krama nepukin bencana buka jani.”

“Alih masi isinné, Yan.”

Dina Rediténé nekan, tepukin tiang prajuru désa, bapak-bapak uli pema masi marengin. Ramé masi désan tiangé dugasé nika.

Bapa Buludawa makamben, maudeng, masaput poléng. Negak marep kangin. Yéh jangginé ngecir. Sayan makelo sayan kapah-kapah pesuné. Kanti tambis telah tusing masi Bapa Blégodawa ngenah lawatné. Kramané kisi-kisi, “Manian lamun ada gegagan kakené adéken nyaluk. Melahan mutbutin padang di cariké. Sing ada antiang, Jani, buka ngantiang ujan kapat. Buin pidan lakar teka, I Blégodawa?”

“Tiang késér-késér negak, ada ané nelpun. Mara telektekang adammé ané nelpun, sagét Bapa Blégodawa. Tiang tusing bani nyautin. ❖❖❖

## I Pung Li

Tiang ngelah timpal mada I Pung ajak Liliana. Apang aluhan tiang ngaukin ia, I Pung Li.

Buina ia leket gati matimpal. Kija-kija ajak dadua. Tusing dadi palasang. Buina I Pung ganteng, Liliana jegeg ngolet. Ada nyambatang buka Arjuna ajak Supraba. Ada nyambatang buka Rama ajak Sinta. Baan liu ané nyambatang buka kété I Pung ajak Liliana sayan ngaleketang. Ia taén masi bareng-bareng dadi pragina. Sabiliang ada orta lakar I Pung Li ngigel, anaké mabalin membah. Bani ngalahin gegagén jumahné. Buina dueg ané ngupah, I Pung Li pinih durina suba pesuanga. Mengkeb-mengkeb. Koné, ané mengkeb-mengkeb anak liu ané ngedorang.

Dugasé niki maan matepuk ajak tiang. Takonin tiang kéné, “Pung dija jani magagé?”


“Mlehan maan magagé. Saget di pelabuhan, saget di béa cukai, sagét di pajak, sagét di samsat. Indeng-indeng icang. Di ja kenéh icangé. Jeg aluh baan icang nyelepéh.”

“Ngelah pejabat kénken?”

“Man yén sing ngelah kénkénang?” Ia mabalik matakon, “Man cai dija magagé?”



17



18



"Kanggoang jumlah dogén. Dadi pangayahné I Tamtam."

"Apa ento?"

"Ngayahin kranjang padang."

"Badah dadi patani. Apa kabakatang. Jani, cariké suba tajukin beton. Ngalih yéh kéweh. Suba ltu cariké tusing maan yéh. Di dulu empela baan wangunan, di teben kanggoang tengés-tengés. Sinah suba cai lacur. Béh pedalem pesan. Man panaké dija jani?"

"Mara SMP?"

"Manian lamun lakar masuk ka SMA orahang nah. Tulungna ja. Pedalem pesan cai. Jelema duég dadi patani."

"Buin tiang matakon. 'Liliana dija magae jani?'"

"Suba dadiang somah. Ia ngendah maan gaé. patuh buka icang. Milih gaé. Di ja kenéh Liliana magae jag maan. Kaden cai ané maangin nurun dugasé pidan?"

"Benéh ipidan len buka jani. Bapan icangé tusing maangin masekolah."

"Mula kéto, anak tua ipidan. Ngorahin apang seleg malajah. Mara magih masuk tegehian tusing baangina. Siapné ane serawah jambul bani béaina."

"Ento suba. Mula karma adané."

"Eda nyesel awak. Tusing melah ento."

"Mara kéto, I Pung cara tukang padarma wacana ané pepes ngenah di tipi-tipiné. Dedeg. Tusing taén ngelah bayu ihuk. Pipsis ngeloh. Rasang tiang pragat bagia di kenéhé. Apa buin jani makurenan ajak Liliana. Sinah suba sayan melah idupné. Iri masi tiang. Bes bakat orahin dugasé masekolah ipidan. Jani, indeng-indeng maan tongos magae. Sajaj jelema

aget adana. Madak manian saja buka munyiné lakar nyak nulungin sentanan tiangé.

"Maan magih ajakina tiang ka umahné. Kewala tiang tusing nyak. Jejeh nyaman teked ditu tusing bisa malingkah. Lakar ngengegin umah ané magrodot baan ukiran, jejh nyaman kepuk lantass. Di ja tiang ngalihang pipis anggon méyanin. Pasaut tiangé papolosan." Manian dogén. Sinah ada selah galah maan singgah.

"Lalega pesan dugasé ento. Tiang masi kendel krana I Pung Li nyak masomah saling tresnain. Keweh buka jani apang nyak masomah saling tresnain. Bisa-bisa tresna magenti dadi gedeg. Giris kewehé. Pélengan melah-melah lantass béngor."

"I Pung Li mula antes dadi tatuladan di guminé. Dingeh-dingeh ia anak bisa masi manyama brava. Ia nyak masi nulungin. Ada buin ngorahin apang ia nyalonang awakné di pilkadané. Ia koné tusing nyak. Yén ia nyak, sinah ltu ané milih."

"Baan demen tiangé tekén I Pung Li katuturang masi tekén somah tiangé, tekén panak tiangé, tekén timpal-timpal tiangé. Makejang demen tekén I Pung Li. Sambat-sambat tiang tekén kramané."

"Manian ajak ja mai. Sina nyak nulungin mantas abedik. Sina dadi orahin ngalihang wantuan."

"Mara kéto ada ngorahin tiang, lega tiang. Ada lakar anggon tiang maakin ia. Orahang tiang tongos umahné. Makejang suba sumakuta lakar ka umahné I Pung Li. Inget masi tiang mesinin apang ngaba masi gagapan apang ada anggon taled munyi."

"Neked di malu umahné tiang préksana. Orahang tiang timpalné I Pung Li dugasné masekolah. Ia sing

ngugu. Tiang apang nyerahang KTP teken ia. Miin déwa ratu. Kéweh masi apang maan matepuk teken I Pung Li. Sajaj jelema agét. Tiang ngejer nyelepin umahné. Pakanyornyor umahné. Tiang majuik di tengah. Sagét kuluk hélderré ngongkong. Sayan makesiab tiang. Sajaj jelema sugih. Hélderré sieng pesan. Sinah sabiliang wai ngamah bé. Tiang nuju dina melah mara entug bé. Agét pesan idupné I Pung Li.

Pembantuné nyagnyagin tiang. Orahang tiang lakar ngalih I Pung Li. Ia nyambat I Pung Li enu ada anak ané matemu. Tiang ngantiang buka ngantiré di rumah sakit. Marasa semuten batis tiangé. Makita mageéti. Tusung melah krana ngajak timpal. Suba ada duang ilahan rasané mara tiang maan ngantiang. Tiang adéng-adéng majalan jejeih katanjung. Yén labuh, gisig leké, sinah akar dadi kakedékan gumi majalan di tongosé leh bisa labuh. Kalingké di tongos ané rungka.

"Yéééééééé! Madé. Mai!" I Pung nyagnyagin tiang. Ia tusung ajum yadiastun suba sugih pesan rasaang tiang. Ajaka tiang ka tengah, tepukin tiang gambar-gambar ané maji mael. Tiang bengong. Sinah pipisané anggota meli ené. Iseng tiang matakon. "Ené mara gambar luung."

"Timpalé ngaggapin uli duranegara. Makejang ento maan ngidih. Ento luungné ngelah timpal iu. Mai negak. Eda lek."

Kursi ané tegakin tiang bek misi ukiran. Méndahan ilahan ukirané. Ada naga enggang. Ada cangk makeber. Ada macan medem. Tiang jejeih pesan negakin. Nagané rasaang tiang lakar nyegut

awak tiangé. Macané rasaang tiang lakar makpak awak tiangé. Cangaké rasaang tiang nyokook sirah tiangé. Dugasé nika tiang makita mageéti. Sakéwala, tiang suba maceleban ka umahné I Pung Li. Buin jébosné ada anak ngabaang tiang kopi. Matatakan piring melah gati. Jejeih nyemak nyanan bisa ulung. Yén ulung, gisig jengah awak tiangé. Nginem dogén tusung bisa. Kalingké ané lénan.

Buin jébosné Liliana pesu. "Yéééééééé, Madé. Suba tumian? Legaang nganti makelo pesan. Ada anak ngalih wantuan mara pesan mulih. Méh mapapasan ajak Madé?"

"Benéh pesan. Ada anak pesu kenyem-kenyem uli dini. Legaang ngrepotin."

"Ada apa mirihné?"

"Yén nyidaang tulungin abedik. Di désa lakar ada ané gaé."

"Sinah lakar ngawangun balé désa."

"Benéh pesan."

"Nah. Ieang mautsaha. Sina ada anak mayadnya." Tiang demen ningehang munyiné I Pung Li. Tiang tusung makelo ditu krana jejeih teken umahné. Tusung biasa nepukin anak sugih. Kadong biasa nepukin anak ané biasa-biasa. Tiang mulih ajak kramané. Rasa bagia ada timpal lakar ngawantu.

Sabilih dina tiang ngantiang, kanti buka ngantiang damuh kapat. Iseng tiang mabalih tipi. Tepukin I Pung Li mabrigu buka bojog kena lath. Meled tiang nyujutang, sakéwala énggalan kulikulé maklentung di banjar. ❖❖

## Maling

“Nyen nyak dadi maling?”  
“Dadi maling, Lik?”

“Aa, aluh dadi maling.”  
“Apa aluh. Dija unduk dadi maling aluh. Bisa bisa juka. Lantas nongos di bui.”

“Keneang jani. Belik dadi maling malunan suud keto cai. Selegenti. Apang pada-pada bisa. Belik bisa dadi maling cai masi bisa. Yen suba dueg, sing aluh nglaksanaang.”

Tiang inget teken belik tiangé ajak maplalian maling-malingan dugasé cenik. Ada ané dadi polisi ada ané dadi anak sugih. Tiang dugasé ento maan giliran dadi maling. Peh tiang malajah dadi maling. Uhi maling cenik kanti maling gedé. Tiang mula énggal ngresepang. Énggal bisa tiang dadi maling. Pipisné Bapa Gedé bakatang tiang nyemak. Kendel pesan tiang dugasé nika. Suud keto, orahin tiang ngantinin dadi maling. Belik tiangé nyak pangus dadi maling. Bapa Gedé masi nyak alus dadi maling. Ia nyak mapi-mapi sadu kéwala ngrimes pesan dadi maling. Tiang bakatang dogen dayananga.

Suud tiang maplalian, saling kedekin ajak tatelu. “Sing madaya iraga dueg dadi maling manian yen ada anak ngemalingin tawang suba carané ngalahang. Ento gunané malajah dadi maling buka jani.”

Tiang kedek dugasé nika. Malajah dadi maling, “Yen ajak makejang lantas malajah dadi maling, sinah ajak makejang pada dueg mamaling. Nyen lantas lakar palingin?” keto tiang ngrimik di keneh.

Sayan ngeihang, sayan tusing buin demen maplalian dadi maling. Suba tusing inget teken plahanné ento. Jani, tiang suba dadi anak maguna. Di kenéné tiang mablekis inget teken plalian tiangé ento krana tusing buin malajah dadi maling suba biasa dadi maling. Tiang mautsaha apang tusing katangkep. Yen katangkep KPK, sinah lakar mabui. Lek atiné. Tiang mula bisa nyuti rupa. Masebeng alep tiang, cara anak malajah ngelus atma. Banban alep pajalan tiangé. Makejang ngajumang, tiang antes dadi pejabat.

Tiang lega krana tiang kagugu sablang munyiang. Kaja orahang tiang kelod, anak masi gyguna. Mirib mawisesa bilih tiangé. Keto melahné dadi mapi-mapi, suba kudang taun kaden tiang dadi maling. Tusing taen ketara. Tusing ada anak nangkep krana ané lakar nangkep melah gati ajak tiang.

Idup tiangé sayan ngamelahang. Sablang Saniscara tiang melali suba, kija ja keneh tiangé. Tiang demen krana basang lan keneh tiangé pragat nyantung. Demen krana makejang misi. Kené luang rasané dadi maling.

Kija-kija makejang ngajumang tiang. Kija-kija tiang dadi anak melah. Kija-kija tiang demen krana



sabliang ané munyiang nyak guguna apabuin misi ngimbuhin tutur wayah. Beh sayan madan suba tiang. Suud kété, tiang koplókina maciri tiang dadi anak dueg.

Sabliang inget teken pajalan tiangé dadi maling, bisa kedek ka tundun. Ada masi gunané malajah dadi maling, jani disubané maan tongos tusing buin liu malajah dadi maling. Suba biasa, turah janihé 'cespiéng'. Yén enu muruk dadi maling aluh baana ngejuk. Tiang tusing nyak juka. Ento ngranayang tiang tetep selamet. Ané pedalem Nyoman Degeng, mara dadi pejabat suba maju buina misi mabui. Sajana jelema belog dadi pejabat. Ngritung proyék tusing bisa. Kalahang timpal. Sajana jelema tusing taen malajah dadi maling. Yén tawang, ia meled dadi maling, lakar ajahin. Énggalan maju. Yén nyak mauleh-ulehan ajak tiang tusing katangkép ngaba pipis akresék selem. Sajana jelema belog ongol.

Kasub tiang jani. Kija-kija makejang nganggutun tiang. Sebeng tiangé nyak enteg cara mawbawa. Sabliang anak ané tumbén-tumbén nekain tiang waspadaang tiang. Nyén nawang nyaru. Dugasé ené maan ada anak teka. Alus munyiné.

"Pak berapa dapat proyék tahun ini?" (Pak akuda maan proyék taun jani?)

"Sedikit. Hanya menjalankan anggaran tahun lalu saja." (Abedik. Tuah nyalalang anggaran taun ané suba liwat?)

"Oooo, gitu ya." (Oooo, kété, nggih)

Uling munyiné tiang suba nawang. Anaké ento tusing uli palekadan tiangé. Sinah uli dura. Tiang mautsaha apang énggal dogén ia magedi. Nyak

selamet énggal magedi uli arep tiangé. Tiang suba nawang ia anak ngarekam munyín tiangé. Dini tiang mamunyi, buin jebosné suba ada anak nawang. Sajana gumi maya-maya adana. Énggal pesan sinah.

Krana tiang dueg madaya, kewahan ketara. Sabliang dina melah anggon tiang melali. Kija ja kenéh tiangé. Apabuin tiang mula demen teken tongos ané soléh-soléh. Neked di tongosé malali sagét tepuk timpal tiangé ané ajak dadi maling dugasé cenik.

"Rasané I Madé ené."

"Benéh, pesan. Man dija jani?"

"Dadi kepala dinas."

"Dinas dini dinas dihu?"

"Aa. Kanggoang dogén. Man Made dija jani?"

"Dadi anak penting, jani. Ené maan proyék."

"Suba tawang. Suba lancar dadi maling?"

"Hahahahahahaha." Tiang kedek. "Tawanga dogén. Enu buka ipidan pragat dadi maling."

"Jani, sinah liu maan bati ulian maling."

"Eda anaké kété. Eda sambat-sambatanga."

Enjuhun tiang limang atus apang ada anggota palegan kenéh.

"Ngujiang dadi liu?"

"Tumbén tepuk. Yén sesai tepuk kanggoang angin dogén. Cara dagang kembangan."

Ia kedék. "Sajana jelema dueg." Ajumanga tiang.

"Ené pipis benéh. Tusing baan mamaling."

"Diastun mamaling tusing kenapa. Masi suba maceleap di kantongé."

"Badahi! Tawanga dayané."

Tiang demen pesan. Timpal tiangé dadi tungkulang tiang baan munyi. Adané anak maan tegakan liu suba ané iri. Ento suba biasa. Apang misi



keneh demen tiangé ngelah masi sesepelan lebian teken abesik. Bebelogan tiang makeneh mula amut tegak ajak indria. Sablang setrés di kantor, alih tiang suba sesepelan tiangé. Sesepelané melahang tiang Masepel apang tusing ada ané nawang.

Sakewala, tiang apang tetep masi maang pipis sablang ia nagih. Yén tusing tiang maangin, ia lakar ka umah tiangé. Somah tiangé lakar aliha. Orahanga tiang anak muani tusing nyandang gugu. Sinah tiang lakar muwatan jumlah. Tiang masi takut-takutan abedik. Mantas ketoanga, tiang suba jejeh. Jejeh pasomahan tiangé. Ento anggota senjata nuugang bani. Apa ja tagiha, tiang telep mautsaha ngisnin. Mobil tagiha. Mobil kaciciang.

Tiang meled suud, sakewala kenkenang carane. Tusing suba tiang bisa makeneh. Ia lakar ngorahang ka umah tiangé. Apabuin ia ngaku ngadut panak tiangé. Saja apa tusing? Tiang jejeh pesan ketara. Orahin tiang nganiti di hotel.

Alih tiang sesepelan tiangé ka hotel. Edengin tiang amplop. Ia kendel pesan misi ngelut tiang. "Bli mula ganteng. Beli mula antes ajak tiang. Eda jejeh. somah Bli depang jumlah. Jani, ajaka malegan-legan."

Tiang macelep sinambi cara anak punyah. Anggut-anggutang tiang sirah tiangé ningehang anaké magending macelana duru entud. Tiang bareng magending. Kanti peteng. Kanti mrasa leleh. Kanti tusing inget teken awak. Sagét ada anak teka nyolek tundun tiangé. Tiang makipekan. Ia ngedengin surat. "Mai mulih. Ditu pules di hotel prodéo," keto ia ngrieng di kuping tiangé. Peluh tiang prajani ngritis pesu. ❖❖



## Tuan Déwan

**P**ak Dé kendel pesan jani. Apang melah adanné, dadinné Pak Déwan. Tiang biasa ngaukin Tuan Déwan. Kendel suba ia, yén kaukin buka kété. Kenehné sayan ba duur. Paliatné sayan enteg. Munyiné sayan katos pesu. Buka anak mapatungan dogén. Buka anak iju dogén. Tusing masi nyalahang. Ia jani suba dadi Pak Déwan. Dugasé lakar dadi anggota déwan. Sabiliang paibon. Sabiliang banjar tekaina. Apa gagapapanné? Tusing peilih sinah ampiop. Di tengah ampiopé apa isinne? Suba tawang sinah pipis. Tusing pipis dogén. Misi gambar. misi potu. misi nomor. Ané seken tulis apanng nyudi Pak Dé.

Carikné ané tamina suba kantahanga dugasé ento. Ia bari metoh cara magecekanne. Ngetohin awak apang kanti menang. Apang kanti negak di déwan. "Eda nenga-nenga ngetohin awak. Eda buka I Gedé Ambara. Metoh tusing lagas. Payu buntung lakar ngalih untung," kété ia nginduyangang awakné. Jani, Pak Dé magenti adan. Adanna *deuon yang terhormat*. Adané ento suba kepunga teken Pak Dé. Yén suba *terhormat* sinah abesik. Tongosné ba duur di langgité gadang. Dugasé ento ia nyelapang



ngubuh dara apang maan sesai nuléngék langit ané gadang. "Ditu manian iraga lakar ngimbang. Ditu manian iraga lakar maan cundang. Gigis demené yén sesai maan cundang. Cundang déwéké tusing len teken tegakan lan pipis. Pokokné pipis. Ngalih pipis mula mapikat pipis. Tusing ada anak ngalih kedis mapikat lalipi. Ento anak belog adana. Idéwék anak duag tamatan tegéh. Sinah aluh baan mikatin. Apa kéwéhné ngtukang layah? Apa buni gumanti suba biasa ngtukang tapel. Kebot kenawan suba biasa makipek. Jani menek nuléngék langit."

Nyén lantias tusing kendel pamilihanné suba teka. Pak Dé kajudi. Prajani ia magundul abesik col tusing ada bokné. Apang alua. Apang lancar rejekiné. Apang énggal peluh sirahné majalan. Buka pajalan kenéhné tusing ada ané ngentugin.

Pak Dé mula melah pajalanné. Sayan negehang dogén tegakné. Sayan ngimbang. Sayan liu anaké nawang. Sayan demen kenéhné. Sayan nuléngék masi pajalanné ka langgité gadang. Pepes masi ia ka deraan tiangé ngaba gaggapan. Tiang demen masi. Bes anak gedé ngaba gaggapan nyén sing demen. Dugasé ené sedeng melaha lakar ada ngawangun balé gong. Tusing mamplop jani. Médéngang pipisné apang seken-seken ngenah pipis. Anak taén ipidan amplop puyung masaab bora. Tusing misi apa. Mirib dingeha teken Pak Dé. Jani pipis matatakaan selaka. Krauman tiangé keaiab-keaiab mara abaanga pipis liu. Bes kalinaan anak tuna. Maan mantas ningalin pipis, gigis keaiabanné. Kendela tusing dadi gigsasang.

Kéné munyiné Pak Dé. "Krama banjar, titiang ngaturang suksma. Mawit saking pangapi krama

sareng sami, tiyang sané mangkin dados anggota déwan yang lehorhormal. Ampura tiyang arang pisan polih ngrauhin Ratu, Ida dané sareng sami. Katah pisan pamargin tiyang sakadi mangkin. Yukti ngawilangin pratakiana sareng akéh patut nué kawagedan. Swécana Suwungé gamel tiyang. Ampura samatra sida aturin tiyang."

"Jeg tis dingeh munyinné Pak Dé. Yén makejang anggota buka kéné. Sinah tusing ada anak kalaran. Liu anak masuk. Liu anak tua karunguang. Liu anak tiwas ada ngrese pang. Tuah Pak Dé dogén ané kakéné. Manian yén ia nyalonang awakné dadi bupati. Icaang nyak suba dadi tim suksésné." Madé Sudarsana ngriang di sisi.

"Aké masi nyak dadi tim suksésné. Aké lakar ngalih pipisné."

"Badah. Ngalih bati dogén."

"Anak idup adana. Apang maan untung masi."  
"Ratu Ida dané sareng sami, benjanggan wantah wénten pikobet. Télépon mantan tiyang, pastika tiyang jaga nyadia mapitulong. Puniki nomer telepon tiyang." Pak Dé nyambat nomer téléponné kanti ping telu. Makejang énggal-énggal nyatet.

"Inggiiih!" Saur manuk banjar tiangé. Kendel krama banjar tiangé, suba teka Pak Dé misi masemaya lakar nulungin. Mara lakar pesu makejang nyakupang lima. Misi angéut-angéut cara anak nyakitang sirah.

"Manian ané kéné-kéné sudi mara antes dadi pak déwan. Eda nyudi ané demit-demit. Ingetanga nagih suara dogén. Ané barés buka kéné tekaang mai."

Tiang kendel ngelah Pak Dé. Barés gati.



Sakéwala misi masi jejeah abedik. "Dadi goroh pesan ia mangin pipis. Dija ja maan pipis? Apa ya gegagémné lénan tekén dadi anggota déwan?" Tiang ngrieng padidlan. Tiang nguléh-ngulehang kenéh. Ngujung ento bakat itunggang. Ané melah suba maan pipis aluh. Mantas nyudi misi maan pipis akuda kéwéhné. Yadiastun tuah seket tali. Kanggoang dogén. Ento sangatang.

Mula melah nasibné Pak Dé. Suud dadi déwan di kabupatén jani ka provinsi manian lakar ka Jakarta. Koné liu anaké demen tekén pajalan kenéhné. Tiang masi ané demen krana bareng maan kritis-kritisanné. Lén pajalan. Lén sebeng. Lén timpal-timpalné Pak Dé. Jani pragat nuléngék langit. Langité orahanga bisa mesuang ané tagiha. Jani ya nagih apang dadi bupati. Marasa tekén awakné liu ané nementih. Tiang kendel masi. Apabuin kraman tiangé. Tiang jani bareng dadi tim sukses. Sabiliang désa, sabiliang banjar, sabiliang patihon jagragin tiang. Tiang majalan. Tiang maan masi pipis. "Mabongbong maan pipis. kéto anaké nyambat."

"Kénken marasa?" Pak Dé matakon.

"Mirib lakar menang jani, Pak Dé."

"Jeg menang! Lamun kuangan pipis sambat dogén. Di bang liu enu pipisé. Gorohin dogén apang kanti punyah baan pipis. Bes sesai maan pipis. Sinah lakar nyudi. Nyén kodag sesai ada ngenjuhin pipis. Tusing nyudi."

"Apang mutang rasa, Pak Dé."

"Ento suba ané alih."

"Mutang sakéwala misi pikojih. Hahahahaha!"  
Tiang kedék. Ngedékin laksanaan tiangé ajak Pak Dé.



"Yén manian Pak dadi bupati. Madé lakar dadiang *supir pribadi* Pak-é."  
"Dadi masi. Kéwala gajihné eda paruh tekén sopir ané lénan."

"Aa. Tusing kapatuhang."

Pamilihanné majalan. Tiang ketug-ketug masi krana ané lawanna tekén Pak Dé masi anak kuat. Anak gedé. Papadune pada-pada gedé.

"Jani mara papadu pada-pada buruh," kéto anaké pada ngirimik.

"Ené mara pemilu melah. Ené madan ngisimih kenéh. Makejang luung ngenah."

Mula melah karmané Pak Dé. Jani buin negehang. ia kasudi dadi bupati. Mirib karmané ipidan melah sangkan sabiliang ané apitanga tekén Pak Dé bakatanga. Tiang misi iri masi. Ngujung dadi tiang tetep ngujukang anak lén dogén. Mantas baangina seket taliang suba kendel. Yén agetan satu tali. Kéwala yén itung-tungan maburuh kanggo masi. Sahhang tusing maan apa. Idep-idepang nyontol mabalih tipi.

Kendel pesan Pak Dé. Kéné ia ngirimik. "Jani misi kenéhé lakar melahang, lakar alus-alusang bikasé. Lakar bijain déwéké sesai. Dong nyak kadémanga anak melah. Lakar kécakang sakancan tongos pipisé. Mumpung dadi pejabat. Manian suud. pinih tusing maan susuk."

Sabiliang dina, sabiliang peteng ada dogén ka umahné Pak Dé. Magenehan sebengné. Ada nagih apang dadi kabit. Ada nagih apang dadi sekdis. Ada nagih apang timpalné mutasi. Ada nagih apang dadi kontrak.

Pak Dé mula dueg. Sabiliang ané teka takonina,

"Ada ané meranen? Ngelah siap buruh?"

Ané teka ngerti, "Nuvé Pak."

"Nah, Mani maan."

Jeg aluh baana Pak Dé ngitungang mantas matakon akéto dogén suba maan bati. Ampioné mapunduh di lemariné. Matumpuk-tumpuk, kanti tusing kingetan adané. Tiang tusing bani nundikin. CCTV nengéng di sampingé. Kéwala ada ané tusing dadi tunaina tékén Pak Dé. Apa ento? Ngalih anak luh jegéng ajak ngisep apa kadén. Kéwala suud kena ento, ia bisa kedék kendel gati. Yén ngomong tusing taén takut. Tiang dong babelogan makeneh. Mirib ngelah sesabukan, anak pepes ka Jawa. Kudang balian uli Jawa teka ka umahné. Masuter baan mantra.

Dugasé ené iseng tiang ngebitang amplopné. Dadi tepukin tiang serbuk. Iseng tiang ngadekin. Mara lakar jemak tiang sagét macelep Pak Dé. "Eda uyut. Yén kanti Pak Dé matangkep. Madé bisa adan dogén di guminé." Tiang nelektekang muanné Pak Dé tusing buka ané suba-suba. Ia seken mamunyi. Tiang ngrieng di kenéh. "Dadi Pak Dé takut sambat ngelah serbuk?" Énggalang tiang pesu mapi-mapi tusing nawang apa.



## Pak Hadis Hudis

66 "Ciaaaaaaaaaaaaat! Ciaaaaaaaaaaaaat!" Bapa Gedé kecas-kecas cara bojog makpak lunak. Apti-aptianné misi. Uli makelo suba mapangapiti apang dadi kadis. Kéwala, limané gasgas-gésgés krana uli cerik kudisan. Akudang dokter. Akudang balian. Akudang boréh manggo morehin tusing minhtulin. Kudisné tetep idup kendel di awakné. Melah pajalanné Bapa Gedé. Timpal-timpal tiangé makejang nyalamin. Tiang masi bareng. Meled apang maan kasambat urati tékén timpal. "Selamet, nah Bos!" kéto biasa tiang nakomin.

"Suksma. Ulian timpal-timpalé masi. Tiang kajudi dadi kakéné. Manian tulungin masi apang buka ané suba-suba. Pak masi pepes nulungin tiang. Manian dong haanga tongos."

"Eda ja. Tiang suba bagia buka kené."

"Eda kéto. Manian bisa dogén masalin kenéhé."

Pak Kadis ngorahang lakar ngajak timpal-timpal mapéstaan. Tiang mula demen maramén-ramén. Lakar alhang tiang tuak tulén uli Gunung. Tanganan apang gelegek-gelegek di kolonganné.

"Ingetang tuaké, Dé."



“Tusing turyuh ngorahin suba katawang.”

Pak kadis mula botoh tuak. Yén sing man tuak mantas aselok tiusing nyak enteg koné idupné. Koné mara bangun suba matimpal ajak tuak bayuan. Ia mula dueg. Tuak bayuanné koné dadi anggon ubad.

“Paling tusing ubad bedak.” kéto tiang timpalin dugasé ia nyambat tusing dadi tunan teken tuak.

Timpal tiangé ngorahang lakar nampahang kambing. Ada masi lakar ngabaang pesan uli Pasinggahan. Jeg seduk prajani baana.

Saja pesan, Pak kadis ngadaang pésta. Rami di umahané. Liu masi ané leza baan ia dadi kadis. Tiang dong suba nawang. Ada ané alha. Pinih tusing apang tusing kena mutasi. Anak jeleh sabiliang magenti ané kuasa, ané biasaang tuah mindahang guru, pegawé ané cenik berag gidig. Yén kenéh-kenehang mirib tuah kéto dogén bisaanga. Ipidan masi kéto. Ada kadis anyar, saget ada mutasi anyar masi. Jani sinah patuh. Ené suba ané jelehina. Panak somah ané bakat itungang. Joh lantás maan, tusing sayan liu itungang. Kaselamatan panak, pitresna somah. Kaucap tusing kanggo. Ento masi ngranayang dugas pilkadane makejang nyilihbang mua apang tusing ngenah. Ento ngenah, pragat suba. Colekina pamor. Manian dadi suba bé recahan.

Matuakané majalan. Ada matorengan, ada elag-elog. Ada aik-aik baan basangné suba nyantung.

“Mami di subané negakin kursi eda pesan suud ngadaang pésta buka kéné. Yén ané pipis lebh utawi pipis ongkeb nagh apang tis. Jeg mai aba. Anggon matuakan.”

“Nah, kalingké maana pipis paling. Pipis tun-

jangkan lakar anggon ngisimin indria. Lakar nguyang buin. Suba misi apti-aptianné. Lénan teken maliang.

“Kéto mara kadis adana. Kadis ané inget teken timpal.”

Semengan Pak Kadis Kudis suba nyelepin ruangané. Ia gejir-gejir di korsiné ané mapincer. Sebengné enteg. Prajani nganggon jas selek. Sayan mawibawa. Sekretarisné masi anyar. Tusing masi nyalahang anak tim sukses. Lamun demen teken jabatan dadiang awaké tim sukses. Yén sing keto, eda ngipi maan jabatan. Kudu-kudu maan bisa orahina mayah. Eda suba mabet dadi anak dueg. Tusing dadi anggon apa kadueganné amun tusing bisa nangki.

“Sékdis mai malu!” Ené ada pagenjuh. Kénken carané nepasin? Ada guru nagh palas masomah. Ada guru nagh ngamaduang.”

“Sayan isin gumt. Suba luung masomah nagh palas. Tekeang dogén Pak Kadis.”

“Beneh masi.”

“Ngyang nagh palas masomah?”

“Somah tiangé nenten satia. Pak Kadis. Ipun mamitra malih, sampun med tiang ningalin. Ngendah pélag.”

“Koné suba suud ajak mitrane?”

“Nika munyinné manten, Pak Kadis.”

“Ooo kéto.”

“Man jani kénken?”

“Tiang lakar mapalasan manten. Sampun med!”

“Nah lamun tusing dadi adungang buin, kénken nyen lautang palas masomah.” Pak Kadis aluh nuturin.



"Nika ampun Pak kadis. Benggayang tiang ngrangda. Ampura tiang budal mangkin jaga nyayagaang surat-suratné."

"Dados dangan kénten Pak nuturin guruné?" Sekismané matakén.

"Ngujang kéwéh-kéwéh. Suba tusing pada demen. Depang dogén. Ento sangetang. Buina enu bajang jegeg."

Sekretarisné kenjem. "Dados taler?"

"Eda uyut-uyut."

Pak Kadis Kudis gumanti duég. Sabiliang wénten anak nuturang pikobetrné. Jeg alih ngren tetimbang. Kasub ring wewekon kadis. Kadis berprestasi. Kadis uning ring tugas-tugas. Kadis demen makrama désa. Kadis tulénga ring anak tuna.

"Man kénken proyéké?"

"Wau polih sepuluh persén."

"Kangoang malu. Mami dong ada buin. Yén sabiliang ada proyék sepuluh persén. Adasa maan proyék suba satos persén. Bisa patuh ajak tunjangané."

"Nika sampun Pak Kadis. Nika becikné dados kadis."

"Pantes marebut dadi kadis. Kéné iunné."

"Aget Pak midép nyelé-k-nyelé kang timpal. Yén ten kénken, ten polih dados kadis."

"Ada masi melahné nyelé-k-nyelé kang timpal."

"Tiang sampunang jelek-jelek kang, Pak."

"Tusing. Suba patuh sesabukanné. Satu guru satu ilmu jangsan mengganggu."

"Hahahahaha! Pak Kadis gumanti wikan."

"Indik ané kéto-kéto suba mageca sesai. Jani,

kénken carané apang modalé énggal kembali. Ento malu sekenang."

"Tiang satos seket juta medal."

"Ento sing lamun apa. Jani, akuda suba maar?"

"Kantun malih seket."

"Tondén atiban suba lakar lunas. Buin enem bulan lunas suba. Lenan tekén ento dadi bati. Geagén ané kéwéh-kéwéh pegawéné baang. Ngujang sangetang. Di subané pragat akuin geagén idéwéké."

"Niki wau kadis jati-jati wikan."

"Daya ané cenik ené alih baan ngitungang."

Pak Kadis Kudis mula tetep waspada. Sabiliang ada anak teka, apabuin ané kapah-kapah tepukina jeg tetep takonina. Ia nawang anaké jani liu ané nyilih. "Nýén nawang uhi KPK teka. Malah ngorta buin jebos suba OTT. Lek atiné. Idéwék suba makejang nawang."

Pak Kadis Kudis jeleh masi krana liu anak OTT. "Yén kanti OTT, gigis jengahé. Hp-né pinh melah ganti-ganti nomorné." Pak Kadis sabiliang awuku maganti nomor HP. Timpal-timpalné nyambatang buka anak truna tumbén ngeulah HP.


"Apa ja sambatanga. Ané penting aman. Ento runguang. Sahliang ngnep di hotel prodéo. Melahan modalin cenik sakéwala aman. Ngujang ajum-ajuman. Yén suba OTT, apa orahang tusing ada ané ngugu. Bukti suba bakatanga." Ia ngelah masi rasa medalem. Ada anak dadi tukang parkir kena OTT. "Sajan anak cerik belog. Iraga apa tuutin. Liunan maen ajanian tusing taén OTT. Dasa tali masi OTT. Péh. Belog sajan. Idéwék gedenan tusing nawang goban OTT."

"Dadi pragat maganti nomore Pak?" Pegawéné matakon.





"Suba tusing demenin. Nomorné tusing ada artiné."  
 "Man nomor apa demenin, Pak?"  
 "Ané misi artiné, Upami, 57. Artiné 'setuju', 305, artiné 'bos'.  
 "Mula duég Bapak."  
 "Ané kété-kété aluh, CGT (Cemik Gaé Ento)."  
 "Man jani nomor kuda kademenin, Pak?"  
 "Masan kebus. Madukan anggo. Apang tenang abedik."  
 "Man suud nomor ané maarti?"  
 "Martén malu."  
 "Yén tiang meled ya apang 305, Pak. Kéwala tusing neked."  
 "Malajah anaké. Yén sing kété, meli jabatan."  
 "Ooooooooo, dadi meli?"  
 "Tusing ada gratis masan sayah jani."  
 "Tiang lakar meli, Pak. Aji kuda?"  
 "Ngarutang, lamun tegéh maelan. Lamun éndépan mudahan buin abedik."  
 "Tulungin anaké tiang, Pak."  
 "Nah!"  
 "Gantiné kembali modal," Pak Kadis Kudis ngrieng. "Yén orahina seket, sambat satas. Nyongkok maan bati. Kéné agele dadi pejabat. Pipsis jabatan maen. Madagang maen. Yén tawang kakéné melahné. Uling ielun tusing nolak. Malah pesan mapi-mapi tusing demen tekén jabatan."  
 "Kénkén payu dadi bapak jabat?"  
 "Dados wangdé? Wau kaadolang tanah kalih are."  
 "Nah mainang pipisé."  
 "Niki!"



"Genep asana ené."  
 "Wantah kirang nikaang. Tiang sampun santer dados bapak jabat ring désa."  
 "Ooooooooo kété. Aluh to."  
 "Ping kuda-kuda sampun wénten mutasi. Dereng masi anaké punika dados bapak jabat. Pak malih pidan tiang dados bapak jabat?"  
 "Sabaaaaaaaaaaaaaaaaa:"  
 "Napi sabaaaaaaaaaaaaaaaaa!" Tiang lek dados olak-olakan ring désa. Orahanga pajabat buing."  
 "Sing kenapa. Apang tusing orahanga bapak jabat karbhan. Adéken adeng-adeng."  
 "Patut taler. Wantah sapunika jaga antosang."  
 "Sabaaaaaaaaaaaaaaaaa dogén."  
 "Tanggih."  
 "Sajan jelema belog. Ento sangetang. Pipsisné suba telah anggon meliang-liang. Ené ada buin abedik lakar aba ka kapé. Sing tawanga uluk-uluk."  
 "Pak Kadis kudis énggal-énggal ka kapé. Kendel pesan mara nepukin anak jegég uli dura polo prajani barezné pesu. Anggut-angut sirahné misi navub brendi. Buin jebosné, sagét ada polisi akjiang. ❖❖"




## Mister TOP

**M**ister TOP (Tua Ompong Pikun) adanin tiang timpal tiangé. Ia pragat cara i sampik kélangan Intai. Ngengik di kamar ngurik isin langit-langit umahné, granggang-granggeng cara anak ipit. Apa jatiné ia ngrayang buka kéto? Ené suba lakar tuturang tiang. Melahang ningehang.

Ipidan Mister TOP galak pesan dugasé ngisi gumi. Sabiliang anak peilih tusing mapih tongos jég galak cara macan. Jani dadi macan ompong. "Kasihandeh Lu," kéto pada ngrimik. "Sangkanananga yén enu seger ngisi gumi eda ngéndah. Eda lebhian ajum. Eda nyapa kadi éku. Jani rasain. Tua ruyud misi cekoh-cokoh. Asmané pepes kumat. Angkiahanné menek tuun cara topeng tua sengal-sengal. Tiang makia mablekis dugasé ningalin Mister TOP. Sakéwala, tusing hari jejuh ia salah tampi. Yén suba salah tampi, munyi tuara-tuara bakat tampedang. Melahan masebeng melah yadiastun tusing anut ajak kenehé.

Yén iraga tusing nganggutin ia, nuju matemu, eda suba maan selamet. Ada dogén rikrikanga apang maan beneh. Jani apa benehanga? Tuah mirig tembok apang beneh majujuk. Kéto upah anaké demen



65

ngadahan timpal. Beh buka satua i macan nakutin gheanné padidi.

Sabliang wai jani ngalih balian apun apang ada ngapunang awakné ané suba sayan berig digrig. Awakné malengis baan lengis urut, yén ipidan malengis baan parpun uli Paris. Ento parpun gratisan tusing taén meli, jani kanggoang dogén apa ja ada ané penting malengis.

Mister TOP, lakar kija jani? kéto tiang matakon dugasé ia lakar ka balian sonténgé.

"Lakar nunas baos."

"Baos apa katunas?"

Ia tusing nyautin krana uli patakon tiangé misi maboya. Ia suba nawang tiang pepes maboya teken ané kéto-kéto. Depang tiang, ia majalan ajak somahné. Ada masi ané enu rungu teken ia pinih tusing somahné.

"Luh nyessel idup ajak beli buka jani?" Munyinné nglemet cara anak kuangan bayu.

"Dadi Beli mamunyi buka kéto? Tiang satata satia. Yadiastun sing ada anak ngugu jani. Len pesan dugasé ipidan sabiliang a wuku maan dogén tiang ka salon mersihin mua lantas masepa. Tiang marasa dadi anak maguna dugasé ento. Mirib paliehan gumi, ipidan di duur jani di beten." Tiang mablekis dugas ningehi munyin somahné buka kéto cara tukang darmawacana nuturin timpal. Nuturin awak tusing ada.

"Kadén Beli lakar mabading keneh Luh-e? Yén tusing ada ané rungu, beli lakar ka paniti jompo dogén. Depang bangken beliné manian makrematorium sabhang dini idup tusing ada ané urati."



66

Mister Top jani suba di balian sonténgé. Ia makesiab krana poto-potoné ané ipidan enu majeyer di tembok umah balian sonténgé. Enu ané nganggon ngempetin umah.

"Beli, enu ada gambar beliné."

"Saja Luh. Kadén suba amah api potoné sagét enu ada ané munduhang?"

"Om Swastyastu Jro."

"Om Swastyastu. Sapasira puniki?" Alus banban munyin balian sonténgé."

"Titiang Gedé Ambara."

"Oooo inggih. Gedé Ambara sané naen dados pejabat dumun?"

"Yukti pisan."

"Rarisang malinggih." Balian sonténgé ngebatang tikeh sambilanga cucuné ngabaang kopi. "Rarisang ngwedang dumun."

Mister TOP jeg serdah pramangkin. Sajian mula demen kasambat. Mantas sambatanga taén dadi pejabat dogén suba serdah apa buin lantias maan baos. Kénkén kadén demenné?"

"Wnten punapi minab semeng sampun rauh?"

"Puniki titiang nunas baos. Punapi minab titiang puniki dados nnten wnten anak ngega."

"Antos dumun. Mrikiang canang duéné."

"Puniki."

Andus dupané ngudus nyujur langit-langit umah balian sonténgé. Jeg teka angin nglihus, mapincer-pincer di durur cara angin sasih Kaulu. Balian sonténgé magiméh nunas baos kanti pesu peluh. Kéné baosné ané tedun:

"Pipisé ané jemak ipidan apang uliang. Yén sing

kéto, lakar tetep gelem buina tetep tusing ngelah pipis."

"Nyak apa tusing?"

Mister TOP kipek-kipek. "Dadi tawanga taén nyemak pipis? Kénkén ené Luh? Iraga suba tusing ngelah pipis? Apa lantias lakar anggon ngulihang?"

"Janjin dogén Beli. Apang patuh cara anaké lakar dadi gubernur utawi bupati. Ngujiang kalahang calon gubernur utawi calon bupati. Ia dogén demen majanji. Iraga patuhang pepesin majanji. Yén sida jajanin, lamun tusing, eda sangetanga. masih jaman énggal engsap jani. Akambuhan dogén wanenganné. Suud akambuhan nyak kénkén suba."

"Beneh masi."

"Keenken nyak lakar ngwaliang apa tusing?"

"Inggiiiiiiiiiiiiiiiiiiiiih." Jeg lagas pesan manggih Mister TOP.

"Nah yén suba majanji. Lakar buin ada anak ngugu."

"Dadosné saking semaya puniki titiang jaga kagugu malih?"

"Beneh. Janjiné ento suba ané guguna."

"Wantah asapunika becik pisan. Wnten malih sané patut janjiang titiang?"

"Ajaman akéto malu. Lunnan janji bisa berek dijajni."

Kendel pesan Mister TOP. Sebegné magetih. Ngembo ipun nutur kadi anak punyah. "Jani, lakar pelinin masemaya. Mara tawang semayané ento mapkolih. Antes sayan maluh anaké majanji jani." Sabliang peteng, sayan ngliulang anaké ka umahané Mister TOP. Sayan liu masi ia majanji kanti




peteng-peteng. Pisagané suba grimutan krana uyut tusing nawang pisaga leleh. Tusing nawang pisaga gelem. Jeg pragat ngenbo dogén.

Baan iu anaké nekain, prajani dadi tim suksés. Béh kudang gambar pasanga. Kudang bendéra penékanga tambis-tambis bek misi umahné baan bendéra. Ané padalem anaké ngliwat bisa tusing ngenah montoré ane ngliwat.

“Sejan mula palehan idup. Suud gelem seger. Suud di betén buin di duur. Ene mirib ané madan pinceran gumi. Jani kénkén dayané apang maan mincerang isin basang timpal? Janjiang dogén maan pipis. Sinah énggal makumpul. Pipis ento pikat jaman buka jani. Sing ngelah pipis tusing ada anak nguğu. Lamun apa duegé.”

Sayan makelo sayan nglinuang dogén janjine Mister TOP. Bes kaliunan janjiné kanti sapin tekén janjiné. Taén ada anak ngaba cateran indik semayané. Aluh pesan baana nyautin. “Tiang jani suba pikun. Engsap tekén semaya. Somah tiangé dogén bisa engsapang tiang. Sakéwala somah timpal?” Mister TOP tusing nglanturang krana sebheng somahné barak buka udang magoréng. ❖❖



## SALAMPAH LAKU



Wastan titiang Kadek Dina Rusmita, sasai kakaukinKadek, Dina, utawi Dek Din. Titiang embas ring Dsn. Selat, Ds. Selat, Kec. Sukasada, Kab. Buleleng, Bali, tanggal 23 Mei 2002. Bapa titiang mawasta I Ketut Wiyudana (53), ipun makarya dados petani lan meme titiang mawasta Ketut Yunita Nawiyasmini (44), ipun makarya dados wiraswasta. Titiang manyame sareng tiga lan pinaka pianak kaping kalih. Titiang madue mboklan adi pada adiri. Mbok titiang mawasta Luh Rima Wulandari, S.Pd. (28) lan adin titiang mawasta Komang Diva Arya Kusuma (20).

Titiang ngawitin galah brahmacari ring TK Adhi Kumara Selat, nglantur ngranjing ring SD N 3 Selat, nglanturang ring SMP Ayodhya Pura. Wusan tamat SMP punika titiang nglanturang ngranjing ring SMA N 2 Singaraja. Ring SMA N 2 Singaraja titiang ngambil jurusan Ilmu Pengetahuan Alam (IPA) lan tamat ring warsa 2020. Wusan tamat ring SMA titiang ngranjing ring Universitas Pendidikan Ganesha ngambil Program Studi Pendidikan Bahasa Bali. Sampun 17 tiban titiang nglaksanayang galah brahmacari puniki ngantos mangkin mangda titiang prasida ngamolihang gelar sarjana lan ngawinang kulawarga titiange bagia. Rikala nglaksanayang galah brahmacari puniki pastika akeh pikobet-pikobet sane titiang panggihin nanging

titiang prasida ngentasin. Pangaptinnyane widya sane sampun titiang polihang rikala nglaksanayang galah brahmacari prasida kanggen panuntun ring kahuripan titiang.

